



Publicaziuns dalla vischnaunca, jamna 14

Damonda da baghegiar

2020-1011.000

Datum dalla publicaziun: 3 d'avrel 2020

Il patrun: Armin Berther, Via Foppas 20 7186 Segnas

Object: adattaziun pil schurmetg dallas auas, lavurs da manteniment vid la platta da grascha, parcella 259, Val, 7186 Segnas

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 3-04-2020

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2020-1003.000

Fabio Calia ed Ivana Lutz, Via Lucmagn 7, 7180 Disentis/Mustér; construcziun d'ina casa d'ina famiglia, Via Soliva 4, 7180 Disentis/Mustér.

Nr. 2020-1005.000

Cumpropietad Deplazes, Via dils Larischs 8, 7180 Disentis/Mustér; nov'annexa e nova repartiziun dallas surfatschas da habitar digl edifeci nr. 29D, parcella 2298, Via dils Larischs 8, 7180 Disentis/Mustér.

Disentis/Mustér, ils 3 d'avrel 2020

Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2020-2022.000

Marco ed Eva-Katharina Tomaschett, Via Plaun-Sut 15, 7180 Disentis/Mustér; ereger in fuorn per far paun, parcella 3911, Via Plaun-Sut 15, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 3 d'avrel 2020

Uffeci da baghegiar Disentis/Mustér



Coronavirus

Encuretg voluntaris

La derasaziun dil coronavirus fatschenta nus las davosas jamnas permanentamein e las autoritads han decretau rigurusas mesiras per cumbatter quella pandemia. Nus intimein nossas convischinas e nos convischins da risguardar strictamein ils scamonds e las mesiras decretadas. En special appellein nus allas personas sur 65 onns da restar a casa e da semover ella publicitad mo cura ch'ei fa propi basegns. Nus savein buca tgei che spetga aunc nus. Per esser semtgai da porscher agid a personas che damondan persunter, encurin nus voluntaris. Nus supplichein personas che han la peda ed ein promtas da prestar survetschs (p.ex. cumissiuns, transports) da s'annunziar tier l'administraziun communal (tel. 081 920 36 36 ni admin@disentis.ch) cun indicar Vossas personalias e gei incaricas che Vus saveis exequir. La finamira ei da disponer d'ina gliesta da personas che san vegnir contactadas en cass da necessitad. Bien engraziament ordavon per Vossa solidaritad.

Duvreis Vus agid?

Persunas che appartegnan alla gruppa periclitada (sur 65 onns ni cronicamein malsaunas) e basegnan agid cun far transports (cumissiuns, rumien, posta etc.) ni in auter survetsch san bugen s'annunziar tier l'administraziun communal (tel. 081 920 36 36 ni e-mail: admin@disentis.ch).
Stab da catastofas Disentis/Mustér

Dismessa da rufid bloccont

En consequenza dil coronavirus ei la piazza da rimnada da rumien a Raveras dapi ils 20 da mars 2020 serrada. Per tuttina dar la pusseivladad da dismetter il rumien bloccont ch'ei serimnaus las davosas duas jamnas, vegn la piazza da rimnada da rumien aviarta durant l'jamna sontga sco suonda:

- gliendisdis, ils 6 d'avrel entochen gievgia, ils 9 d'avrel mintgadi dallas 16.00–18.00
- sonda, ils 11 d'avrel dallas 10.00–12.00

Per evitar ton sco pusseivel fuolas da gliעד e temps da spetga, supplichein nus da serender alla piazza da rimnada tenor vischinadis resp. uclauns:

Gliendisdis: Mumpé Tujetsch, Segnas, Acletta
Mardis: Vitg (part vest naven da spartgida Via Alpsu – Via Lucmagn)
Mesjamna: Vitg (part ost naven da spartgida Via Alpsu – Via Lucmagn)
Gievgia: Mumpé Medel, Cavardiras, Pardomat, Madernal, Disla
Sonda: Tut tgi che ha buca giu peda ils ulteriurs dis

Exclusivamein pils menaschis da fatschenta ei la piazza viarta:

- gliendisdis, ils 6 d'avrel e gievgia, ils 9 d'avrel mintgamai dallas 13.00–16.00

Durant ils temps d'avertura succeda in menaschi controllau dalla piazza da rimnada ed ei vegn buca tolerau che personas entran sin la piazza entras il portal d'extrada. All'entrada ed all'extrada dalla piazza stattan a disposiziun mieds da desinfectar. Nus supplichein da respectar strictamein las reglas da cumportament en connex cul coronavirus sco era las instrucziuns dil personal da survigilanza.

Naven da sonda, ils 11 d'avrel da miezdi ei la piazza da rimnada puspei serrada entochen ch'ei vegn publicau el Fegl official dalla Surselva novas informaziuns.

Suprastonza communal

Referendum facultativ spirau

Ils 28 da fevrer 2020 ha il cussegl da vischnaunca approbau il project per la sanaziun dalla canalisaziun existenta auas piarsas ed aua tschuffa Acletta vitg e concediu persunter unanimamein in credit net da frs. 394 000.–.

Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala. *Suprastonza communal*



Administraziun communal

Per Vossa e nossa protecziun encunter il coronavirus resta il spurtegl dall'administraziun communal **naven d'immediat serraus**.

L'administraziun communal ei denton vinavon en funcziun e suandontamein contonschibla via telefon ed e-mail: gliendisdis entochen venderdis
8.30–11.30 e 14.00–16.30
telefon: 081 920 36 36
e-mail: admin@disentis.ch

Midadas da quella restricziun vegnan publicadas el Fegl official dalla Surselva.
Las actualas informaziuns e disposiziuns dalla Confederaziun, dil cantun Grischun e dalla vischnaunca en connex cul coronavirus anfleis Vus sin la pagina d'internet www.disentis.ch.

Sur Pastgas

Naven da gievgia, ils 9 d'avrel 2020 allas 16.30 entochen mardis, ils 14 d'avrel 2020 allas 8.30 resta l'administraziun communal serrada.
Bien engraziament per la capientscha
Suprastonza communal

Controlla da habitonts

Naschientscha

Shane Epp, naschius ils 21 da mars 2020, fegl da Sandra e René Epp

Mortoris

Catharina Manetsch-Thomann, naschida ils 24 da mars 1926, morta ils 21 da mars 2020

Beata Elmiger-Winiker, naschida ils 20 da zercladur 1932, morta ils 31 da mars 2020

Clom d'urgenza 118

Preziadas vischinas, preziai vischins S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.
Engraziel per Vies sustegn! *Vos Pumpiers Sursassiala*

Rimnada da pupi

La rimnada da pupi digl avrel 2020 croda!

Preziadas convischinas, preziai convischins

Cun l'ordinaziun federala 2 davart las mesiras per cumbatter il coronavirus (Covid-19) ei ina rimnada da pupi las proximas jamnas buca pusseivla: www.gr.ch/coronavirus. Nus supplichein Vus da tuttina rimnar il pupi.

Vus vegnis informai dil niev termin da rimnada, cu la situaziun ei senormalisada. Sche pusseivel fagein nus il matg/zercladur ina. Bien engraziament! Sperond sin Vossa capientscha salidein nus Vus cordialmein.

Stei saun/-as! Fin mars 2020 *Nossa scola populara Mustér, Ch. Berger*



Biblioteca populara Disentis/Mustér e contuorn

La Biblioteca populara Disentis/Mustér e contuorn ei **serrada entochen silmeins ils 30 d'avrel 2020**. Ei ha liug neginas occurrenzas. La biblioteca digitala, www.dibiost.ch, ei adina aviarta. Sche Vus haveis in abonnamment dalla biblioteca, saveis Vus far diever da quella purschida. Haveis Vus interess vid in niev abonnamment? Lu astgeis Vus bugen contactar nus via e-mail: biblioteca@disentis.ch. Ulteriuras infos sut www.biblioteca.disentis.ch Engraziel fetg per Vossa capientscha.

Il team dalla biblioteca

Die Biblioteca populara Disentis/Mustér ist bis **vorerst 30. April 2020 geschlossen**. Es finden keine Veranstaltungen statt. Die digitale Bibliothek, www.dibiost.ch, ist immer geöffnet. Alle Besitzer eines Familien- oder Einzelabonnements können von diesem digitalen Angebot Gebrauch machen. Haben Sie Interesse an einem neuen Abo? Bitte kontaktieren Sie uns via Mail: biblioteca@disentis.ch.

Weitere Informationen unter www.biblioteca.disentis.ch.

Vielen Dank für Ihr Verständnis. *Das Bibliotheksteam*